


趙孟頫書太上洞元靈寶無量度人經








國立故宮博物院  
NATIONAL PALACE MUSEUM








國立故宮博物院  
NATIONAL PALACE MUSEUM







大德五年春日弟子趙孟頫制





太上洞玄靈寶無量度人上品妙經

道言昔於始青天中碧落空歌大浮黎土受  
元始度人无量上品元始天尊當說是經周迴十  
過以召十方始當詣座天真大神上聖高尊妙  
行真人无鞅數衆乘空而來飛雲丹霄綠輿  
瓊輪羽蓋垂蔭流精玉光五色鬱勃洞煥太  
空七日七夜諸天日月星宿璇璣玉衡一時停  
輪神風靜默山海藏雲天元浮翳四炁朗清

一國地土山川林木緬平一等无復高下土皆作  
碧玉無有異色衆真侍坐元始天尊玄座空浮  
五色師子之上說經一遍諸天大聖同時稱善是  
時一國男女靜病耳皆開聰說經二遍盲者目  
明說經三遍喑者能言說經四遍跛病積遠皆  
能起行說經五遍久病痼疾一時復形說經六  
遍髮白返黑齒落更生說經七遍老者返壯少  
者皆強說經八遍婦人懷妊鳥獸含胎已生未



生皆得生成說經九遍地藏發泄金玉露形說  
經十遍枯骨更生皆起成人是時一國是男是女  
莫不傾心皆受護度咸得長生

道言是時元始天尊說經一遍東方无極无量  
品至真大神无鞅之衆浮空而至說經二遍南  
方无極无量品至真大神无鞅之衆浮空而至  
說經三遍西方无極无量品至真大神无鞅之衆  
浮空而至說經四遍北方无極无量品至真大神

无鞅之衆浮空而至說經五遍東北无極无量品  
至真大神无鞅之衆浮空而至說經六遍東南  
无極无量品至真大神无鞅之衆浮空而至說  
經七遍西南无極无量品至真大神无鞅之衆  
浮空而至說經八遍西北无極无量品至真大神  
无鞅之衆浮空而至說經九遍上方无極无量品  
至真大神无鞅之衆浮空而至說經十遍下方  
无極无量品至真大神无鞅之衆浮空而至十遍





周竟十方元極天真大神一時同至一國男女傾  
心歸仰來者有如細雨密霧无缺之衆迨國一  
半土皆偏陷非可禁止於是元始懸一寶珠大  
如黍米在空玄之中去地五丈元始登引天真  
大神上聖高尊妙行真人十方無極至真大  
神无缺數衆俱入寶珠之中天人仰看唯見勃  
勃從珠口中入既入珠口不知所在國人廓散地  
還早正无復歎陷元始即於寶珠之內說經都  
竟衆真監度以授於我當此之時喜慶難言法  
事粗悉諸天復位倏忽之間寂无遺響是時  
天人遇值經法普得濟度全其本年无有中傷  
傾土歸仰咸行善心不殺不害不嫉不妬不淫  
不盜不貪不欲不憎不妒言無華綺口無惡聲  
齊同慈愛異骨成親國安民豐欣樂太平經  
始出教一國以道預有至心宗奉禮敬皆得度  
世





道言元始天尊說經中所言並是諸天上帝內名  
隱韻之音亦是魔王內諱百靈之隱名也非世之  
常辭上聖已成真人通玄究微能悉其章誦之  
十過諸天遙唱萬帝設禮河海靜默山嶽藏  
雲日月停景璇璣不行羣魔束形鬼精滅矣  
迴尸起死白骨成人至學之士誦之十過則五  
帝侍衛三界稽首魔精喪眼鬼板滅矣濟度  
垂死絕而復生所以尔者學士穢氣未消體未

管公樓

洞真召制十方威未制天政德可伏御地祇束  
縛魔靈但却死而已不能更生輕誦此章身則  
被殃供養尊禮門戶興隆世世昌熾與善同緣  
萬災不干神明護門斯經尊妙獨步玉京  
度人无量為萬道之宗魏大範德難可

勝



道言凡誦是經十過諸天齊到億曾萬祖  
幽魂苦爽皆即受度上昇朱宮格皆九年受





化更生得為貴人而好學至經功滿德就皆得  
神仙飛昇金闕遊宴玉京也上學之士脩  
誦是經皆即受度飛昇南宮世人受誦則延  
壽長年後皆得作尸解之道鬼神輒滅不  
經地獄即得反形遊行太空此經微妙普度  
元窮一切天人莫不受慶无量之福生死蒙惠  
上天所寶不傳下世至士齋金寶効心盟天而  
傳輕泄漏慢殃及九祖長俊鬼官待經五帝

大管公樓

玉童玉女各二十四人營衛神文保護受經  
者身

道言正月長齋誦詠是經為上世亡魂斷地  
還後度上南宮七月長齋誦詠是經身得神  
仙諸天書名黃籙白簡削死上生十月長齋  
誦詠是經為國王帝主君臣父子安鎮國祚  
保天長存世不絕常為人君安鎮其方民稱  
太平八節之日誦詠是經得為九宮真人奉





命之日誦誦是經魂神澄正萬炁長存不經  
苦惱身有光明三界侍衛五帝司迎萬神朝  
禮名書上天功滿德就飛昇上清

道言行道之日皆當香湯沐浴齋戒入室東  
向叩齒三十二通上聞三十二天心拜三十二過  
關目靜思身坐青黃白三色雲炁之中內外  
翕冥有青龍白虎朱雀玄武師子白鶴羅  
列左右日月照朗洞煥室內項生圓象光暎

十方如此分明密呪曰

无上玄元太上道君召出臣身中三五功曹左  
右官使者侍香玉童傳言玉女五帝直符直  
日香官各三十二人關啓所言今日吉慶長齋  
清堂脩行至經无量度人臣及甲乙轉經受  
生願所啓上徹逕御无上三十二天元始上帝  
至尊几前畢引炁三十二過東向誦經  
元始無量度人上品妙經





元始洞玄靈寶本章上品妙首十迴度人百  
魔隱韻離合自然混洞赤文无无上真元始祖  
却化生諸天開明三景是為天根上无復祖唯  
道為身五文開廓普殖神靈无文不光无  
文不明无文不立无文不成无文不度无文不生  
是為大梵天中之天鬱羅蕭臺玉山上京上  
極无上大羅玉清眇々却刃若亡若存三華離便  
大有妙庭金闕玉房森羅淨泓大行梵炁周  
迴十方中有度人不死之神中有南極長生之  
君中有度世司馬大神中有好生韓君丈人中  
有南上司命司錄延壽益算度厄尊神迴  
骸起死无量度人今日校錄諸天臨軒

東方无極飛天神王長生大聖无量度人  
南方无極飛天神王長生大聖无量度人  
西方无極飛天神王長生大聖无量度人  
北方无極飛天神王長生大聖无量度人






東南无極飛天神王長生大聖无量度人  
東北无極飛天神王長生大聖无量度人  
西南无極飛天神王長生大聖无量度人  
西北无極飛天神王長生大聖无量度人  
上方无極飛天神王長生大聖无量度人  
下方无極飛天神王長生大聖无量度人  
十方至真飛天神王長生度世无量大神並乘  
飛雲丹輿綠輦羽蓋瓊輪駉駕朱鳳五色玄

太上洞玄靈寶下元金籙經

龍建九色之節十絕靈幡前嘯九鳳齊唱後  
吹八鸞同鳴師子白鶴嘯歌邕邕五老啓塗  
群仙翼轅億乘萬騎浮空而來傾光迴駕  
監真度生諸天丞相南昌上宮韓司主錄監生  
大神執錄把籍齊到帝前隨所應度嚴按  
諸天普告三界无極神鄉衆曲之府北都羅  
酆三官九署十二河源上解祖考億劫種親疾除  
罪簿落滅惡根不得拘留逼合鬼羣元始符命





時刻昇遷北都寒池部衛形魂制魔保舉  
度品南宮死魂受鍊仙化成人生身受度劫長  
存隨劫輪轉與天齊年永度三塗五苦八  
難超陵三界逍遙上清上清之天天帝玉真  
无色之境梵行

東方八天

太黃皇曾天 帝鬱繼玉明  
太明玉完天 帝須阿那田

大管公樓

清明何童天 帝元育齊京  
玄胎平育天 帝劉度內鮮  
元明文舉天 帝醜法輪  
上明七曜摩夷天 帝恬憎延  
虛无越衡天 帝正定光  
太極濛翳天 帝曲育九昌

南方八天

赤明和陽天 帝理禁上真





玄明恭華天

帝空謠醜音

曜明宗飄天

帝重光明

竺落皇笏天

帝摩夷妙辯

虛明堂曜天

帝阿邠婁生

觀明端靖天

帝鬱密羅千

玄明恭慶天

帝龍羅菩題

太煥極瑤天

帝宛黎无延

西方八天

大管公樓

元載孔昇天

帝開真定光

太安皇崖天

帝婆婁阿貪

顯定極風天

帝招真童

始皇孝芒天

帝薩羅婁王

太皇翁重浮容天

帝閔巴狂

无思江由天

帝明梵光

上揅阮樂天

帝勃監

无極曇誓天

帝飄弩穹隆





北方八天

皓庭霄度天

帝慧覺昏

淵通元洞天

帝梵行觀生

太文翰寵妙成天

帝那育醜瑛

太素秀樂禁上天

帝龍羅覺長

太虛元上常融天

帝總監鬼神

太輝玉隆騰勝天

帝眇行元

龍變梵度天

帝運上玄

太極平育賈矣天

帝大擇法門

三十二天三十二帝諸天隱諱諸天隱名天中  
空洞自然靈章諸天隱韻天中之音天中之  
尊天中之神天中大魔天中之靈九和十合  
變化上清元量之奧深不可詳敷落神真  
普度天人今日欣慶受度應闕諸天請滅  
三惡斬絕地根飛度五尸名列太玄魔王監  
舉无拘天門東斗主筭西斗記名北斗落死






南斗上生中斗大魁提監衆靈青帝護魂  
白帝侍魄赤帝養炁黑帝通血黃帝中主  
萬神无越青天魔王已元醜伯赤天魔王負  
天擔石白天魔王反山六目黑天魔王監醜朗  
額黃天魔王橫天擔力五帝大魔萬神之宗  
飛行鼓從提領鬼兵魔幢鼓節遊觀太空  
自號赫矣諸天齊功上天度人嚴攝壯豐  
神公受命普掃不祥八威吐毒猛馬四張

天丁前驅大帥仗幡擲火萬里流鈴八衝敢  
有干試拒遏上真金鉞前戮巨天後刑屠割  
鬼棄風火無停千截首萬翦形魔无干  
犯鬼无被精三官壯豐明擒鬼營不得容隱  
金馬驛呈普告无窮萬神咸聽三界五帝  
列言上清元洞玉曆龍漢延康眇億劫混  
沌之中上无復色下无復淵風澤洞虛金剛  
乘天天上天下无幽无冥无形无影无極无窮溟





大梵遺廓無光赤明開晷運度自然元  
始安鎮敷落五篇赤書玉字八威龍文保制  
劫運使天長存梵炁弥羅萬範開張元網流  
演三十二天輪轉無色周迴十方授斗歷筭迴度  
五常三十五分總氣上元八景冥合炁入玄玄  
中太皇上帝高真汎景太霞嘯詠洞章金  
真朗郁流響雲營玉音攝炁靈風聚烟紫  
虛鬱秀輔翼萬仙千和萬合自然成真真中  
有神長生大君元英公子白元尊神太一司命  
桃康合延執符把錄保命生根上遊上清出  
入華房八冥之內細微之中下鎮人身泥丸絳  
宮中理五炁混合百神十轉迴靈萬炁齊仙  
仙道貴生无量度人上開八門飛天法輪罪  
福禁戒宿命曰緣普受開度死魂生身身得  
受生上聞諸天諸天之上各有生門中有空洞  
謠歌之章魔王靈篇辭衆高真





第一欲界飛空之音

人道眇仙道莽鬼道樂乎當人生門天  
道貴生鬼道貴終仙道常自吉鬼道常自  
凶高上清靈爽悲歌朗太空唯願仙道成  
不欲人道窮壯都泉曲府中有萬鬼羣但  
欲逼人算斷絕人命門阿人歌洞章以攝壯  
羅鄧東送被魔精斬馘六鬼鋒諸天炁蕩  
蕩我道日興隆

第二色界魔王之章

落：高章明炁四騫梵行諸天周迴十方无  
量大神皆由我身我有洞章萬遍成仙仙  
道貴度鬼道相連天地眇莽穢炁三界  
樂乎過之長存身度我界體入自然此時  
樂乎薄由我恩龍漢蕩何能別真我界  
難度故作同文變化飛空以試尔身成敗懈  
退度者幾人咲尔不度故為歌音





第三无色界魔王歌曰

三界之上眇大羅上无色根雲層峨、唯有  
元始浩劫之家部制我界統乘玄都有過  
我界身入王虛我位上王臣御衆魔空中萬  
變穢烝紛葩保真者少迷惑者多仙道難  
固鬼道易邪人道者心諒不由他仙道貴實  
人道貴華尔不樂仙道三界那得過其欲轉  
五道我當復奈何

管公樓

此三界之上飛空之中魔王歌音音參洞章  
誦之百遍名度南宮誦之千遍魔王保迎萬  
遍道備飛昇太空迴度三界位登仙公有  
聞靈音魔王敬形勅制地祇侍衛送迎拔  
出地戶五苦八難七祖昇遷永離鬼官魂度朱  
陵受鍊更生是謂元量普度元窮有秘上天  
文諸天共所崇泄慢愼地獄禍及七祖翁  
道言此二章並是諸天上帝及至靈魔王隱

神聖集





秘之音皆是大梵之言非世上常辭言无韻  
麗曲无華宛故謂玄奧難可尋詳上天所寶  
秘於玄都紫微上宮依玄科四萬劫一傳若  
有至人齋金寶質心依舊投告盟十天然後  
而付焉

道言夫天地運度亦有否終日月五星亦有  
虧盈至聖神人亦有休否未學之夫亦有疾  
傷凡有此灾同炁皆當齋心脩齋六時行香

十遍轉經福德立降消諸不祥无量之文普  
度无窮

道言夫未學道淺或仙品未充運應滅度身  
經太陰臨過之時同學至人為其行香誦經  
十過以度尸形如法魂神迺上南宮隨其學  
功計日而得更生轉輪不滅便得神仙

道言夫天地運終亦當脩齋行香誦經星宿  
錯度日月失昏亦當脩齋行香誦經四時失





度陰陽不調亦當脩齋行香誦經國主有災  
兵革四興亦當脩齋行香誦經疫毒流行死  
民死傷亦當脩齋行香誦經師友命過亦當  
脩齋行香誦經夫齋戒誦經功德甚重上  
消天災保鎮帝王下禳毒害以度地民生死受  
賴其福難勝故曰无量普度天人

道言凡有是經能為天地帝主地民行是功  
德有災之日發心脩齋行香誦經十過皆諸

天記名萬神侍衛右別至人尅得為聖君金  
闕之臣諸天記人功過毫分無失天中魔王亦  
保舉尔身得道者乃當洞明至言也諸天中  
大梵隱語无量音  
道君撰  
元始靈書中篇

東方八天

宣婁阿耨元起觀音須延明首法攬善曇  
稼那阿矣忽訶流吟華都曲麗鮮菩育





簪峇落大梵散烟慶雲飛灑玉都明魔上  
門無行上首回蹠流玄阿陀龍羅四象吁負

南方八天

南閻洞浮玉眸說梵形落空九靈推前澤  
洛菩臺綠羅大千眇莽九醜韶謠緣遭雲  
上九都飛生自騫那育郁馥摩羅法輪霑  
持无鏡攬姿運容馥朗廓奕神纓自宮

西方八天

刀利禪猷婆泥咎通宛敷滌色太眇之堂流  
羅梵萌景蔚蕭岵易邈无宗宛首少都  
阿縕郁竺華莫延由九開自辯阿那品首  
无量扶蓋浮羅合神王誕長桑栢空度仙

北方八天

攬元自育九日導乾坤母東霞形攝上玄陀  
羅育邈眇杰合雲飛天大醜拙監上天沙陀  
劫量龍漢瑛鮮碧落浮黎空歌保弥惡





奧元品洞妙自真元梵恢漠幽寂度人  
道言此諸天中大梵隱語元量之音舊文字  
皆廣長一丈天真皇人昔書其文以為正音  
有知其音能齊而誦之者諸天皆遣飛天神  
王下觀其身書其功勲上奏諸天萬神朝禮  
地祇侍門大勲魔王保舉上仙道備尅得遊  
行三界昇入金門此音无所不辟无所不讓  
无所不度无所不成天真自然之音也故誦

太上洞玄靈寶

之致飛天下觀上帝遙唱萬神朝禮三界侍  
軒群被束首鬼精自亡琳琅振響十方肅清  
河海靜默山嶽吞烟萬靈震伏招集羣仙天  
元氣穢地无被塵冥慧洞清大量玄也  
太上洞玄靈寶無量度人上品妙經

三教弟子趙益順書







國立故宮博物院  
NATIONAL PALACE MUSEUM







國立故宮博物院  
NATIONAL PALACE MUSEUM





